

## **Rapport dalla sessiun dil cussegl da vischnaunca dils 15-06-2015**

### **Tractanda 1**

### **Approbaziun dil protocol dalla sessiun dils 04-05-2015**

Il protocol dalla sessiun dils 04-05-2015 vegn approbaus en votaziun unanima cun engraziament.

### **Tractanda 2**

### **Damonda da credit per il project Via Munt**

Selvicultur Mattias Cadruvi presenta il project dalla Via Munt en tut detagl. Luzi Schmid digl uffeci per uaul Grischun stat a disposziun per damondas.

La via Munt ei vegnida construida ils onns 1955-1959 sco access tier las lavineras. Ella survecha alla cultivaziun dils uauls da schurmetg e dil terren agricol. Entras la via eis ei pusseivel da carrar cun auto sils Cuolms da Munt.

La ladezia actuala da 2 tochen 2.20 meters corrispunda buca pli als basegns. La via ei memia stretga e malsegira e sto vegnir slargiada e rinforzada. Cun il niev project duei la via survegnir ina ladezia da 3 tochen 3.20 meters.

Igl entir project per sanar e slargiar la via da Munt cuosta 7'390'000 frs. Tenor la decisiun da principi digl uffeci d'uaul Grischun sa la vischnaunca quintar cun subvenziuns da confederaziun e cantun ell'altezia da 77%, quei vul dir cun ina summa da 5'690'300 frs.

La realisaziun digl entir project cuozza diesch onns (onn 2016 – 2025). La vischnaunca ha da purtar cuosts da totalmein 1'699'700 frs. Cunquei ch'ils cuosts serepartan sin 10 onns ei la finanziaziun surportabla per la vischnaunca da Trun.

**Cun 12 : 0 vuschs approbescha il cussegl da vischnaunca il credit da 7'390'000 frs. per il project Via Munt per mauns dalla votaziun all'urna. Il credit vegn concedius cun la resalva che la regenza dil cantun Grischun approbeschi il project e subvenziuneschi tal cun 77%.**

### **Tractanda 3**

### **Pusseivladad da tschentar damondas**

Dalla pusseivladad da tschentar damondas vegn fatg diever.

### **Per il cussegl da vischnaunca**

Il president  
Flurin Decurtins

L'actuara  
Sandra Gautschi